



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Confessio Doctrinae Saxonicarvm Ecclesiarvm, Scripta
Anno Domini M. D. LI. Vt Synodo Tridentinae Exhiberetvr**

Melanchthon, Philipp

Lipsiae, 1554

VD16 C 4808

De Praemiis.

urn:nbn:de:hbz:466:1-35345

fide agnoscit Salvatorem, & petit ab eo salutem, ideoq; audit expressam absolutio- nem, & concionem de uita æterna, & pro- missionem, & acquiescit in hac uoce Mes- siæ, & se Deo subiicit, & non impatienter fert supplicium, sed lætatur agnitioe Mes- siæ, & spe uite æternæ, et Deo gratias agit: præterea ut extet signum confessionis, refutat maledicentem Christo.

Hæc in eo fiunt, quia hic ipse Messias socius supplicij, uerbo mentē eius docet, et in ea ipsa consolatione λόγος in isto effi- cax est, & per eum æternus Pater effundit Spiritū sanctum in cor huius auditoris, ut accendat læticiam in eo, dilectionem, in- uocationem, spem uitæ æternæ, & alias uirtutes.

DE PRAEMIIS

Paulus inquit, Donū Dei est uita æter- Rom. 6
na per Christum IESVM Dominum
nostrum: & reconciliati seu iustificati, si-
mul sunt cohæredes Filij Dei propter
ipsum, non propter propria merita.

Fides accipiens remissionem peccato-
rum ac iustificationem, & spes uitæ æter-
næ, nituntur filio Dei Mediatore, ut ex-

D 5 presse

Ioan. 6 preste dictum est, Hæc est uoluntas Patris, ut omnis credens in filium, habeat uitam æternam. Et *Rom. 5*. Iustificati fide, pacem habemus apud Deum, per Dominum nostrum IESVM Christum, per quem & accessum habemus fide in gratiã hanc, in qua stamus, & gloriamur spe uitæ æternæ.

Psal. 142 Coniungit fidem & spem, & affirmat utranq; nisi mediatore, et manifestum est, spem non debere nisi nostris operibus, quia dictum est, Nõ iustificabitur in conspectu tuo omnis uiuens: sed ut propter solum filium Dei agentes pœnitentiam reputantur iusti fide, & propter eum & per eum uiuificantur: ita propter eum, & non propter nostra merita, donatur uita æterna: sicut latro in cruce audit hanc promissionem, *Luc. 23* Hodie eris mecum in paradiso.

Hose. 13 Nec somniandũ est, filium Dei tantum præparationẽ ad uitam æternã nobis meruisse, aut dare, & nos postea nostris operibus mereri uitam æternã: sed sit in conspectu dictum dulcissimum, O mors ero mors tua, & pestis tua ô inferne. Propter filium Dei, & per eum liberamur à morte æternæ

æterna, & transferimur in uitam æternā,
 sicut ipse inquit, Ego uitam æternam do
 eis. Et 1. Ioan. 5. Qui habet filium, habet
 uitam. Ac sit spes certa & firma, sicut Pe-
 trus inquit: Perfectè sperate, id est, non
 dubia opinione, sed firma spe expectate
 uitam æternam, uidelicet propter media-
 torem. Et rectè Augustinus inquit in li-
 bro Meditationum, Totius fiducia certitudo
 est in sanguine Christi.

1. Ioan. 5

1. Pct. 1

Vtruncq; certissimum sit, agentem pœ-
 nitentiam propter filium Dei gratis fide
 accipere remissionem peccatorum, & iu-
 stificationem, & hunc esse hæredem uitæ
 æternæ, sicut Paulus inquit: Quicumque
 spiritu Dei aguntur, hi sunt filij Dei: Si au-
 tem filij, hæredes Dei &c.

Rom. 8

Et tamen simul uerum est, eos qui ef-
 fundunt Spiritum sanctum, deficientes à
 fide, aut ruentes contra consciētiam, nec
 redeunt ad Deum per pœnitentiam, non
 esse hæredes, sicut dicitur ad Galat. Qui
 talia agunt, regnum Dei non possidebūt.

Gal. 5

Et 1. Timot. 1. Milita bonam militiam, ha-
 bens fidem, & bonam conscientiam, quā
 quidam repellentes, circa fidem naufragi-
 um fe-

1. Tim. 1

Matt. 25 um fecerunt. Et *Matt. 25*. Esuriui, & non dedistis mihi manducare. Et ibunt hi in supplicium æternum, iusti autem in uitam æternam.

Ceterum etsi uita æterna datur propter filium Dei renatis, tamen simul etiam est merces bonorum operum, sicut dicitur:

Matt. 5 Merces uestra copiosa est in cœlis. Ut patrimonium est merces laborū filij, etiam si propter aliam causam filio attribuitur.

Præterea addidit Deus bonis operibus suas quasdam promissiones: quare & pro bonis operibus sanctorum tribuit Deus etiam in hac uita multa spiritualia & corporalia bona, aliàs aliter, ut ipsi sua inenarrabili sapientia placet: 1. *Timot. 4*. Pietas

habet promissiones præsentis & futuræ

uitæ. *Marci 10*. Recipient centuplū in hac uita, sed cum tribulatione, & post hanc ui-

Matt. 10 tam, uitam æternam. *Matth. 10*. Qui dedit

potum uni ex minimis propter doctrinam, non perdet mercedem. *Luc. 6*. Da-

Luc. 6 te, & dabitur uobis. *Exo. 20*. Honora patrem & matrem, ut sis longæuus supra ter-

Esai. 33 ram. *Esai. 33*. Panis ei dabitur, aquæ eius erunt certæ: Regem in decore uidebunt:

id est,

id est, pro obedientia & bonis operibus
Deus dat tranquillas politias, honestam
& placidam gubernationem &c. *Esaia* Esa. 58
58. Frange esurienti panem tuum, & eris
sicut hortus irriguus &c.

Et notum est exemplum uiduæ Sare- 3. Re. 17
ptanæ. Et *Psaltes* dicit: *Opes & diuitiæ in* Psal. 112
domo eius. Quia enim in hac mortali &
ærumnosa uita Deus Ecclesiam colligit,
& uult eam esse honestam congregatio-
nem: præbet ei aliqua hospitia mediocria,
præbet nidos pijs familijs, puerperis, edu-
cationi puerorum, propagationi doctri-
næ, denique uult conseruare generis huma-
ni societatem, œconomias & politias: &
quidem ideo, ut colligi Ecclesia possit.

Quare propter sanctorum preces, &
propter eorum diligentiam, & propter
communem necessitatem, tribuit aliquan-
do gubernationem minus turbulentam,
pacem, fœcunditatem agrorum, et alia bo-
na: ut propter Ioseph, Naaman, Danie- Ier. 19
lem, regna illa feliciora erant. Et *Ieremi-*
as cap. 19. præcipit, ut exules in Babylone
petant hospitio pacem, & salutarem gu-
bernationem. Sicut etiam sæpe propter
Eccle

Ecclesiæ delicta cumulantur pœnæ: ut in pœna tribus Benjamin, Davidis, & alijs conspicitur. Vult autem Deus intelligi hæc beneficia corpori necessaria, & sciri uult ea diuinitus tribui. Vult in eis petendis exerceri fidem, ut suo loco copiosius dicimus. Nunc ideo hæc pauca addidimus, ut in hac confessione etiam extet testimonium in nostris Ecclesijs, doctrinam de bonis operibus ueram & necessariam fideliter proponi.

DE DISCRIMINE PECCATORVM.

Cum dictum sit, in renatis manere peccata, necesse est tradi discrimen. Nam ex dicto Lucæ 11. Vadit & assumit septem alios spiritus nequiores se, & ingressi habitant ibi, &c. & ex similibus dictis, manifestum est, aliquos renatos contristare & excutere Spiritum sanctum, et rursus abijci à Deo ac fieri reos iræ Dei, & æternarum pœnarum. Et Ezech. 33. scriptum est: Cum recesserit iustus à iusticia sua, & fecerit iniquitatem, morietur in ea: & cum recesserit impius ab impietate sua, & fecerit iudicium & iusticiam, uiuet in ea.

Necesse